

Մալալայի օրը ՄԱԿ-ում



Որպես աղջիկների կրթության իրավունքի պաշտպան հայտնի դարձած պակիստանցի դպրոցական Մալալա Յուսուֆզայը, ով անցյալ տարի հարձակման էր ենթարկվել թալիբների կողմից, իր 16-ամյակի օրը ելույթ ունեցավ ՄԱԿ-ում:

Ծանր վնասվածքներ ստացած աղջիկը միայն հրաշքով ողջ մնաց և շարունակում է իր պայքարը աղջիկների կրթության համար: ՄԱԿ-ի գլխավոր քարտուղարն առաջարկեց հուլիսի 12-ը՝ նրա ծննդյան օրը, հռչակել Մալալայի օր: Ոչ մի երեխա չպետք է մահանա այն պատճառով, որ ուզում է սովորել, ընդգծեց նա:

«Մալալայի օրն իմ օրը չէ, այլ իրենց իրավունքների համար պայքարող յուրաքանչյուր կնոջ և աղջկա օրն է», - հայտարարել է Մալալա Յուսուֆզայը՝ հանդես գալով ՄԱԿ-ում:

Երիտասարդ կանայք ընտրական ցուցակներում



Ազգային ժողովի ընտրություններում կուսակցությունների ցուցակներում ներկայացված կին թեկնածուներից մինչև 30 տարեկան կանայք ընդամենը 9% էին կազմում, իսկ 30-40 տարեկանները՝ 20%:

Երևանի ավագանու ընտրություններում կին թեկնածուների թվում մինչև 35 տարեկանները միջինը 38% են կազմել, ընդ որում՝ «Բարգավաճ Հայաստանի» ցուցակում երիտասարդ կանայք 50% էին, իսկ ՀԱԿ-ի, «Առաքելության» ցուցակներում ընդգրկված կանայք գրեթե բոլորը մինչև 35 տարեկան էին:

Տեղական ինքնակառավարման մարմինների ընտրություններում ավագանու անդամ առաջադրված կին թեկնածուների թվում 30%-ը երիտասարդ կանայք էին:

Կանանց նկատմամբ բռնությունը վերածվել է գլոբալ համաճարակի



Այսօր աշխարհում յուրաքանչյուր երրորդ կին ենթարկվում է բռնության որևէ տեսակի: Այս մասին խոսվում է Առողջապահության համաշխարհային կազմակերպության նոր ուսումնասիրության մեջ: Նրա հեղինակները պնդում են, որ կանանց նկատմամբ բռնությունը վերածվել է գլոբալ համաճարակի: Բռնության օբյեկտ են դառնում թե՛ 15-19 տարեկան դեռատի աղջիկները և թե՛ 65-ն անց տարեց կանայք: Բռնության կանխման բանալին տեղեկատվությունն ու հրապարակայնությունն է, քանի որ շատ երկրներում այս խնդրի քննարկման վրա տարու է դրված. այս երևույթի մասին չեն խոսում և չեն մշակում դրա դեմ պայքարի քաղաքականություն:

# Միտք և քաղաքականություն

«Կանայք ունեն իրենց ներուժն իրացնելու հնարավորությունները, ուղղակի նրանց համարձակությունն է պակասում»



Էջ 4

2013 հուլիս

www.WomenNet.am



Յուրաքանչյուր կին, լինի հասուն թե երիտասարդ, իր ակտիվ գործունեությանը փոքրիկ հեղափոխություն է իրականացնում իր շրջապատում և իրականության մեջ առիտ ստարակ:



Ես այստեղ եմ, որովհետև երբեք չեմ կարողանա համակերպվել բռնության և անարդարության հետ:



Կարծում եմ՝ աղջիկը կարող է անել ամեն ինչ: Նա պարզապես պետք է հավատա ինքն իրեն:

## Անկախության հասակակիցները...

Ասում են՝ քաղաքականության մեջ կանանց ու տղամարդկանց հավասար ներկայացվածության կիսանեք միայն այն դեպքում, եթե ունենանք շատ ուժեղ, բանիմաց, խելացի ու պայքարող, բայց միևնույն ժամանակ և շատ կանացի ու հմայիչ կանայք... Թույլ տվեք չհամաձայնել. մենք այսօր էլ ունենք այդպիսի կանայք՝ կրթված, համարձակ, արդարամիտ, ակտիվ ու գործունյա և դրանով իսկ շատ հմայիչ... Գուցե դեռ երիտասարդ

են, ընդամենը 22 տարեկան, որոշումների մակարդակում ներկայացված լինելու համար, բայց նրանք իրենց որոշումը կյանքում արդեն կայացրել են՝ ձեռքագտնվել անտարբերությունից, օգնել մարդկանց, լինել այն կանանց կողքին, ովքեր հայտնվել են անելանելի իրավիճակներում, համոզել իրենց նման աղջիկներին հավատալ իրենց ուժերին, դարձնել մեր հասարակությունը ավելի բարի, հանդուրժող ու արդար... Կանե՛ք՝

անիրագործելի առաքելություն է այս տարիքում, և նորից կսխալվեք՝ նրանք արդեն համարձակություն են ունեցել անել այս ամենը, ընդ որում մեծ հաջողությամբ՝ համախմբելով իրենց շուրջը շատ ու շատ երիտասարդ աղջիկների ու տղաների և օրինակ ծառայելով նրանց: Էլ վիրան ու Աննան իրավապաշտպան են, ակտիվ հասարակական գործունեություն են ծավալում կանանց իրավունքների

## Դե յուրե - դե ֆակտո

### Օրենքն արդեն ուժի մեջ է, մնում է այն կյանքի կոչել

ՀՀ նախագահն արդեն ստորագրել է Ազգային ժողովի ընդունած «Կանանց և տղամարդկանց հավասար իրավունքների և հավասար հնարավորությունների ապահովման մասին» օրենքը, և այն ուժի մեջ է մտել: Խնդիրն այժմ այդ օրենքը կյանքի կոչելն է: Մենք փորձեցինք ճշտել երիտասարդ տղամարդկանց կարծիքը այդ խնդրի շուրջ՝ նրանց հարց ուղղելով, թե արդյոք մեր հասարակությունում կանայք ու տղամարդիկ կարող են դե ֆակտո հավասար հնարավորություններ ունենալ: Կարծիքները բազմազան էին, ներկայացնում ենք դրանք առանց միջամտության:



ջելով միայն իշխող կուսակցության թեկնածուին»:

**Օգոստե Թարվերյան, 25 տ.** «Հավասար հնարավորությունների ապահովման հարցում լավատեսորեն եմ տրամադրված: Ինքս աշխատել եմ մի միջավայրում, որտեղ թե՛ կնոջ, թե՛ տղամարդու կարծիքը հավասարազոր է եղել, այնտեղ գաղափարների մրցում կար, ոչ թե սեռերի: Սակայն մեր ծնողների սերունդը բոլորովին այլ արժեհամակարգով է ապրել, որի մի զգալի մասը փոխանցվել է մահ մեզ, այնպես որ, մեզ էլ է ժամանակ պետք, որ մեր միջից վերացնենք այդ կարծրատիպը, թե տղամարդն ավելի բարձր է, քան կինը»:

նան, դառնան դպրոցական, այդ ժամանակ չեն արգելի, որ կինն աշխատի»:

**Էդուարդ Անդրեասյան, 19 տ.** «Այսօրվա Հայաստանում պրակտիկորեն անհնար է, որ կինը հավասար հնարավորություններ ունենա տղամարդկանց հետ, և դա պայմանավորված է ոչ թե նրանով, որ կինը բավարար խելացի կամ պատրաստված չէ, այլ զուտ մեր մենթալիտետով, որը փոխելը շատ դժվար է: Ես սովորում եմ իրավաբանական ֆակուլտետում և կարող եմ ասել, որ մեր ոլորտում էլ կա գենդերային խտրականություն: Օրինակ՝ աղջկա համար բավականին բարդ է աշխատանքի անցնել ուժային կառույցներում, այնտեղ կինը որևէ բաժնի կամ վարչության պետ չի դառնա, որքան էլ խելացի ու գրագետ լինի»:

**Ռուբեն Մուրադյան, 23 տ.** «Մենք ավանդապաշտ ժողովուրդ ենք, մեզ մոտ հայրիշխանական համակարգ է, հայրիշխանությունը հայ ընտանիքի ամրության երաշխիքն է: Ես կողմ եմ հայրիշխանությանը, բայց ոչ բռնատիրությանը, պարզապես ճիշտ է, որ ցանկացած հարցի վերջնական լուծումը տղամարդն է տալիս: Սակայն պետք է խոստովանել, որ մեր հասարակությունը շատ արագ փոփոխությունների է ենթարկվում, և մեր հաջորդ սերունդը, կարծում եմ, կտեսնի գենդերային հավասարություն մեր երկրում»:

**Գուրգեն Պետրոսյան, 25 տ.** «Մեզ ոչ թե օրենք ընդունել կամ փոփոխել է պետք, այլ մարդկանց գիտակցությունը փոխել, այլապես ոչ մի օրենք էլ չի գործի: Ես կողմ եմ հավասարությանը, իմ սիրած աղջկան ասել եմ, որ ուզում եմ, որ նա աշխատի ու ոչ թե փող վաստակելու համար, այլ որպեսզի չձանձրանա, իր կոլեկտիվն ունենա, իր աշխատանքային միջավայրը, ցրվի տնային գործերից: Իմ կարծիքով՝ հայ տղամարդիկ ճնշում են կանանց, որովհետև չեն վստահում, վախենում են, որ կնոջն ազատություն տալով՝ կկորցնեն նրան: Ինքնավստահ տղամարդը երբեք չի ճնշի, առավել ևս՝ բռնության չի ենթարկի կնոջը»:

**Էդուարդ Ղազարյան, 20 տ.** «Շատ ուրախ եմ, որ մեր երկիրը նման օրենք ունի, դա մեր միջից խտրականությունը վերացնելու առաջին քայլերից է: Ցավոք, այսօրվա իրականությունում անհնար է նման օրենքի լիարժեք կիրառումը, որովհետև ժամանակ է պետք, կանանց գիտակցությունն էլ պետք է փոխվի, որպեսզի իրենք պայքարեն իրենց իրավունքների համար»:

**Արման Աբգարյան, 20 տ.** «Կինն ու տղամարդը չեն կարող հավասար լինել, թեև հիմա կանանց իրավունքներն ավելի լավ են պաշտպանվում, քան մերը: Ես չեմ կարող ամբողջ հասարակության անունից խոսել, բայց ամձամբ ես դեմ կլինեմ, որ իմ կինն աշխատի, որովհետև ուզում եմ, որ իմ երեխաները մայրական խնամքից զուրկ չլինեն, ուզում եմ, որ կինն տանը լինի և տնային գործերն անի: Ես այնքան կաշխատեմ, որ նա ոչ մի բանի կարիք չզգա: Երբ երեխաները մեծա-

### «Ի՞նչ է տվել ինձ լիդերության դպրոցը»

Դպրոցը 2005-ին ավարտեցի, մինչ այդ շատ ակտիվ էի, շատ բուռն էի, ինձ համար իմ կարծիքն էր շատ կարևոր, հետո հասկացա, որ, չէ, չպիտի այդպես լինի, պիտի լսել, և պարտադիր չէ, որ եթե դու ես ասում, ուրեմն ճիշտ ես, պիտի ուրիշի ճիշտն էլ լսել: Այս հանդուրժողականությունն ինձ շատ մեծ բան տվեց հետագա գործունեության ընթացքում՝ սովորեցի լսել ու ընդունել մարդկանց կարծիքը: Ինչ անենք, որ գրուցակիցդ ուրիշ կուսակցությունից է ու իր առաջնորդին է պաշտպանում: Զգու՛մ եմ՝ հիմա իմ մեջ շատ բան է փոխվել: Հիմա շատ ավելի դեմոկրատ ու հանդուրժող եմ դարձել մարդկանց հետ հարաբերություններում:

**Լիաննա Ղազարյան,**  
մշակույթի նախարարության աուդիտի բաժնի աշխատակից, 374 անդամ



Իմ պարագայում դպրոցն ինձ նոր մոտեցումներ տվեց և որպես անձի, և որպես մասնագետի, առաջ ընթանալու, մասնագիտական որակավորումն բարձրացնելու ցանկությունն առաջացրեց, սովորեցի նաև գեներալային «ակնոցով» նայել իրականությանը և օրենքներին:

**Մարուշ Ղազարյան,**  
ասոցիացիայի անդամ,  
Էջմիածնի քաղաքապետարանի իրավաբան

Իմ կարծիքով՝ լիդեր ծնվում են, բայց միջավայրը պետք է նպաստի, աջակցի այդ հատկանիշներն ի հայտ գալուն, և ես դպրոցում զգացի այդ աջակցությունը: Սովորեցի սեփական ուժերը ճիշտ գնահատել, ձեռք բերեցի նոր գիտելիքների այնպիսի պաշար, որը կարող է կիրառել իմ աշխատանքի մեջ, նոր ծանոթություններ և կապեր հաստատեցի...

**Ռաիսա Գրիգորյան,**  
լրագրող, «Օլիմպիկա» մարզական ամսագրի խմբագիր, ԲՀԿ-ի Էրեբունու խորհրդի անդամ

Կանայք երբեմն ավելի շատ բան են անում, քան տղամարդիկ, սակայն մենք լուռ ենք, միայն լսում ենք, մեզ ինքնավստահությունն է պակասում... Դպրոցում հասկացա, որ պետք է նաև ներկայացնել, ասել, խոսել, համարձակ լինել: Մինչև դասընթացը խուսափում էի քաղաքական ոլորտի հետ համագործակցելուց, իսկ այժմ կարծում եմ, որ որպես հասարակական, գործիչ և, ընդհանրապես, որպես ակտիվ քաղաքացի պետք է համագործակցեմ նաև քաղաքական կազմակերպությունների հետ: Իմ մեջ մի հզոր ալիք է ձևավորվել, որը զնալով ավելի է ուժգնանում, և հավատում եմ, որ այն, միանալով դասընթացի յուրաքանչյուր մասնակցի, հետագայում կվերածվի էլ ավելի հզոր ուժի:

**Նարինե Նաչատրյան,**  
Վանաձոր, «Ոսկե միջին» հասարակական նախաձեռնություն» 74 փոխնախագահ, Լոռու մարզային ցանցի կրթության ոլորտի պատասխանատու, հասարակագիտության ուսուցչուհի

Ես սովորել եմ ավելի ազատ խոսել, արտահայտվել, ինչու ոչ՝ վիճաբանել, մի խոսքով, ձերբազատվել եմ ամոթխածությունից: Կարծում եմ՝ լիդերության այս դպրոցը պետք է ինչքան հնարավոր է շատ կանանց վերապատրաստի, որ նրանք կարողանան իրենց լիարժեք քաղաքացիներ զգալ և հարկ եղած դեպքում պահանջներ դնել կառավարման մարմինների առջև:

**Հասմիկ Փափազյան,**  
մշակութային կենտրոնի արհկոմի նախագահ, կենսաքիմիկոս

Բացի գիտելիքների լայն շրջանակից, դպրոցն ինձ լուրջ կազմակերպչական հմտություններ է տվել, որոնք այսօր ակտիվորեն կիրառում եմ իմ աշխատանքում: Փորձել եմ նաև Մարալիկի ավագանու ընտրություններում առաջադրվել, ու թեև չի հաջողվել, բայց առանց դպրոցում ստացած հմտությունների հազիվ թե այդ քայլին դիմեի: Կարծում եմ՝ չեմ հարթել ոչ թե նրա համար, որ ցածր վարկանիշ ունեի, այլ նրա համար, որ չկարողացա պայքարել ընդունված քայլերով ու մեթոդներով...

**Ռուզաննա Հարությունյան,**  
Մարալիկի գեղավածության տարածքային կենտրոնի տնօրեն, Մարալիկի տարածաշրջանի Համալսարանական կրթությանը կանանց ասոցիացիայի նախագահ

### Կանանց լիդերության դպրոց. հաջողության գաղտնիքը

Համալսարանական կրթությամբ կանանց ասոցիացիայի՝ 2000 թվականից գործող կանանց լիդերության դպրոցը ավելի քան 1800 շրջանավարտ է տվել: Դպրոցը, ընդհանուր առմամբ, 30-ից ավելի հոսք է ունեցել Երևանում և մարզերում: Վկայականների հանձնմանն ավանդաբար հավաքվում են միասին հին ու նոր շրջանավարտները, դասախոսները և հայտնի քաղաքական գործիչները: Վերջերս կայացավ շրջանավարտների երրորդ համդիպում-համաժողովը՝ «Գիտելիքներից դեպի քաղաքական լիդերություն. հաջողության գաղտնիքը» խորագրով:

Համալսարանական կրթությամբ կանանց ասոցիացիայի նախագահ Ջեմմա Հասարյանի խոսքով՝ լիդերության դպրոցն անցած բոլոր կանայք, ըստ էության, գտել են իրենց հաջողության բանալին՝ աշխատելով հասարակական կազմակերպություններում, կուսակցություններում, պետական կառավարման մարմիններում: «Նրանք այսօր հզոր ռեսուրս են հանդիսանում ցանկացած ոլորտի, այդ թվում՝ քաղաքականության համար: Գուցե նրանք դեռ չեն հասել իրենց քաղաքական կամ մասնագիտական կարիերայի բարձունքներին, բայց բոլորն էլ ունեն դրա համար անհրաժեշտ ներուժն ու համարակարգությունը»,- նշեց Ջ.Հասարյանը:

Օրվա գլխավոր հերոսներն էին դպրոցի վերջին երկու հոսքերի շրջանավարտները, ովքեր համաժողովի ընթացքում ստացան իրենց ավարտական վկայականները: Դպրոցի այդ հոսքերը հնարավոր եղավ կազմակերպել ԵԱՀԿ Երևանյան գրասենյակի և Նիդեռլանդների կառավարության, ինչպես նաև Հայաստանում «Բաց հասարակության հիմնադրամներին» աջակցությամբ: Ժողովրդավարու-



թյան զարգացման հարցերով ԵԱՀԿ Երևանյան գրասենյակի պատասխանատու Օլիվեր Սաքոյը, դիմելով հանդիպման մասնակիցներին, նշեց, որ շատ հաճելի է գիտակցել, որ կանանց հզորացմանն ուղղված իրենց աջակցությունը իրական աղյուսակներ է տալիս, և այսօր արդեն տեսանելի օրինակներ կան:

Նոր շրջանավարտներին կուզենայի մաղթել, որ ավարտական վկայականը ստանալուց հետո փորձեն մտածել և հասկանալ՝ ինչպե՞ս կարող են առավելագույն օգտագործել դպրոցում ստացած գիտելիքները: Ուրախ եմ, որ մենք մեր լուսն ենք ունեցել ձեզ աջակցելու հարցում: Նաև կուզենայի ապագայում տեսնել, որ հայաստանյան կուսակցություններն էլ ունենային այնպիսի քաղաքական պլատֆորմ, որը կխթանի և կապահովի կանանց քաղաքական առաջընթացը,- ասաց նա:

Դպրոցի դասախոս, փորձագետ **Լիլիթ Զաքարյան** էլ նշեց, որ երկար տարիներ լիդերության դպրոցում դասավանդելիս

համոզվել է՝ մեր կուսակցություններում կան լավ, խելացի, բանիմաց կարգեր: «Շատ դեպքերում այդ կանայք տեսանելի չեն, անգամ իրենց կուսակցությունների ղեկավարների համար, և կարծում եմ՝ մեր առաջիկա խնդիրները պետք է լինեն, որ մեր լրագրող ընկերները, ովքեր տարիներ շարունակ աշխատում են գեներալային լրագրության դաշտում, մույնպես օգնեն, որ տեսանելի դարձնենք բոլորի համար այն կանանց, որոնք իրոք ուշադրության են արժանի»:

Մի ուշագրավ դիտարկում լիդերության դպրոցի շրջանավարտների այս հավաքից. մեզ հետ գրուցակցությունը նրանք չափազանց ոգևորված էին, ընդ որում՝ բոլորը, անկախ տարիքից, աշխատանքային փորձից ու զբաղեցրած պաշտոնից: Բոլորն էլ նշում էին, որ դպրոցը նրանց ոչ միայն որոշակի գիտելիքներ, այլև ինքնավստահություն ու համարակարգություն է տվել, նոր որակներ հաղորդել, որոնք մինչ այդ, չգիտես ինչու, թաքցված են եղել...

### Փորձագետի կարծիք

### Իսկ ինչու՞ ամուսինը պետք է դեմ լինի...



Կին քաղաքական գործիչները ավելի շատ են բախվում հասարակության մերժողական կամ թերահավատ վերաբերմունքին, հասարակությունը նրանց նկատմամբ ավելի խստապահանջ է, նրանց սխալները ավելի ակտիվ ու խիստ են քննադատվում, նրանց անձնական կյանքը ավելի խորն է զննվում, - ասում է երիտասարդ սոցիոլոգ Գայանե Ղազարյանը, հիմնվելով «Կանանց կողմից քաղաքական իրավունքների իրացման հիմնախնդիրները 37-ում» ուսումնասիրության արդյունքների վրա, որն անցկացվել է «Շահխաթուն» ՀԿ-ի հետ համագործակցությամբ: Նշենք, որ Գայանե Ղազարյանը մասնակցել է Երևանի ավագանու ընտրություններին 30-ի համամասնական ցուցակով:

Ջրուցելով քաղաքական ասպարեզ մուտք գործած կանանց հետ՝ սոցիոլոգը հանգել է այն եզրակացության, որ, ընդհանուր առմամբ, հարցվածների համար նորմալ է, երբ ամուսինը դեմ է, ավելի՞ն՝ նա պետք է դեմ լինի, այսինքն՝ նա ունի այդ իրավունքը: Դիրք զբաղեցնող բոլոր կանայք այդ պաշտոնին են, որովհետև ամուսինը «ընթացումով է մոտեցնել», «չի խոչընդոտել», «թույլ է տվել»: Ամուսնացած կանայք հիմնականում շնորհակալություն են հայտնել իրենց ամուսիններին աջակցության համար: Իսկ ամուսնալուծված կանանց դեպքում ի հայտ է եկել այն հանգամանքը, որ ամուսինը դեմ է եղել կնոջ նման ընտրությանը, բայց կինը կամք է դրսևորել: Ինչ վերաբերում է այն կանանց, որոնք կարիերան սկսել են հայրական ընտանիքում, ապա այս դեպքում հիմնականում դեմ հանդես եկողները մայրերն են եղել, իսկ աջակցություն կանայք ստացել են հայրերից:

«Հասարակությունը մեծ ուշադրություն է դարձնում՝ կին գործիչը իր ընտանեկան պարտականությունները կատարում է, թե՛ չի կատարում, կին գործիչների անձնական, ինտիմ կյանքը մշտապես ուշադրության կենտրոնում է: Կին գործիչների աշխատանքային թերացումները ավելի խիստ քննադատության են ենթարկվում, իսկ սայթաքումները միշտ ընդհանրացվում են, ասում են՝ կինը չի կարող լինել պատգամավոր, գյուղապետ, նախագահ...»

Մինչդեռ եթե տղամարդուն քննադատում են ու ասում, որ այսինչ-այսինչյանը

շատ վատն է, որևէ մեկի մտքով անգամ չի անցնում հայտարարել, որ տղամարդը որպես այդպիսին չի կարող լինել նախագահ, պատգամավոր կամ գյուղապետ», - նկատում է Գ. Ղազարյանը:

Նրա խոսքով՝ ընդհանուր առմամբ, կին գործիչներին գնահատելու դեպքում հասարակությունը առաջնորդվում է սեռային հատկանիշով, իսկ տղամարդկանց դեպքում գնահատվում է անձը: Այստեղից էլ կանայք հաճախ գերապատասխանատվություն են զգում իրենց գործունեությունը գերազանց իրականացնելու առումով, քանի որ նրանք էլ են մտածում, որ իրենց անհաջողությունը կարող է «խայտառակել» ամբողջ սեռը և հիմնավորել առանց այն էլ գոյություն ունեցող կարծրատիպերը:

Սոցիոլոգը նաև նշեց, որ ակտիվ գործունեություն ծավալող կանանց գնահատում են կանացիության պրիզմայով՝ կանացի՝ թե՛ կանացիությունը կորցրել է: Եվ եթե կինը կանացիությունը պահպանել է, ապա նրա գործունեության հանդեպ հանդուրժողականությունը մեծ է:

Ինչպե՞ս փոխել իրավիճակը: Սոցիոլոգի համոզմամբ՝ կանանց ակտիվության նախադեպերը թուլացնում են կարծրատիպերը, այդ իսկ պատճառով հարկավոր է աշխատել հաջողված պատմությունների վրա, նաև անհրաժեշտ է ՋԼՄ-ների դիրքորոշումը փոխել կին քաղաքական գործիչների հանդեպ, չէր խանգարի բարձրացնել կանանց համերաշխության մակարդակը...

### Դիրքորոշում

Կարելի է ասել, որ բանական ինձ ֆեմինիստ դարձրեց: Ծառայության ընթացքում ավելի ակնհայտ են դառնում կանանց նկատմամբ խտրականության դրսևորումները. շատ տղամներ իրենց ընկերուհիներին ստրուկի պես են վերաբերվում, պարզապես չեն հասկանում՝ ինչու են ուզում, որ իրենց կողքի աղջիկը ոչ թե լիարժեք մարդ լինի, այլ ստրուկ: Այս ամենը էլ ավելի մղեց ինձ հանդես գալու կանանց և տղամարդկանց հավասարության դիրքերից: Շատ եմ

գրուցել այս խնդրի շուրջ ինձ հետ ծառայող տղաների հետ, փորձել բացատրել իմ գաղափարները: Հետաքրքրական է, որ երբ ազատության մասին էի խոսում, շատերը դա մույնացնում էին պոռնկության հետ, այլ ազգերի աղջիկների օրինակն էին բերում, բայց իմ ասած ազատությունը որևէ ազգի կամ անբարոյականության հետ կապ չուներ:

**Էրուարդ Ղազարյան,**  
20 տարեկան

Կանայք, ում չեն խանգարում կարծրատիպերը

«Ապագայում ցանկություն ունեն ԱԺ պարզամալոր դառնալու»

- Մի օր կատակով ասացի, թե ավագանու ընտրություններում թեկնածությունս եմ դնելու: Եղբայրս ասաց, որ չեն ընտրի մի պատճառով՝ քանի գյուղում եմ ապրում և երիտասարդ աղջիկ եմ... Ճախտով պատմում է Մարգարիտի միջնակարգ դպրոցի փոխտնօրեն Արփիին Մատինյանը, ով, ինչպես ինքն է խստովազանում՝ հակառակն ապացուցելու համար առաջադրում է իր թեկնածությունը և անցնում:

- Երկու տեղամասերում էլ շատ բարձր ցուցանիշներ ունեի, որն ինձ համար մեծ անակնկալ էր, չէի սպասում, պարզապես ուզում էի ապացուցել, որ կին լինելը չի խանգարում ավագանու անդամ դառնալուն:

Արփիին Մատինյանը ևս 3 անգամ ավագանու անդամ է ընտրվել: Հաջողության գրավակները, ըստ Արփիինի, նախկինում կատարված աշխատանքն էր.

- Ես դպրոցում եմ աշխատում, ու տարբեր միջոցառումներ ենք անցկացրել, այսինքն՝ ինձ ճանաչում էին համայնքում: Այն, թե հա-

սարակական կարծիքը կարևոր չէ, իրականում այդպես չէ, ուղղակի առաջ գնալու համար պետք չէ արեւելիկ կերպով ընդվզել, կարելի է կոմպրոմիսի գնալ, սա էլ իմ մոտեցումը: Երբ մարդիկ զգում են, որ դու քեզնից արժեք ես ներկայացնում, քեզ սկսում են խրախուսել: Իսկ երբ արդեն ընտրվեցի, հասկացա, որ իմ մասնագիտական հմտությունները ինձ չեն բավարարում... Հարգում են գիտելիքներ ունեցողին, ու եթե ցանկանում ես տպավորություն գործել, ուրեմն պետք է անընդհատ աշխատես քեզ վրա...

Արփիինն ավարտել է ԵՊՀ կառավարման ակադեմիան, մասնակցել նաև տարբեր սեմինարների, այժմ էլ ՀԵԿԼ-ի կանանց առաջնորդության ակադեմիայի մասնակիցներից է: Ասում է՝ այն իր համար խթան կհանդիսանա նոր ծրագրեր իրականացնելու համար:

Թեպետ այս անգամ չի առաջադրվել ավագանու ընտրություններում, բայց չի պատրաստվում քաղաքականության ասպարեզը լքել:



- Ապագայում ցանկություն ունեն նաև ԱԺ պատգամավոր դառնալու, հուսամ՝ կհաջողվի: Արփիինն համոզված է. եթե կարողանում ես գործը լավ անել, կայացած ես որոշակի ուղիով, ապա սեռը, տարիքը՝ ոչինչ կապ չունի, վստահությունն էլ աստիճանաբար հասարակության կողմից առաջանում է...

«Գուցե պարծառը իմ համառ բնավորությունն է...»



Զավահիր Եղիազարյանն Արմավիրի մարզի Զանֆիդա համայնքից է: Լրագրող է, զբաղվում է հասարակական աշխատանքով, «Արմավիրի ընտանիքի աջակցման կենտրոն» ՀԿ հիմնադիրն է, իսկ ահա վերջերս նաև Զանֆիդա համայնքի ավագանու անդամ է ընտրվել:

Զավահիրը խոստովանում է, որ այս ծառայությունը հեշտ չի տրվել իրեն, գեներային

կարծրատիպերի ազդեցությունը զգացել է իր մաշկի վրա.

- ... Ծնողներս, եղբայրս շատ դեմ էին, ասում էին՝ լրագրողը աղջկան հարմար մասնագիտություն չէ, դու չես ամուսնանա, լրագրողները չեն ամուսնանում, Ճախտով պատմում է Զավահիրը, ով սակայն իր համառության շնորհիվ աշխատանքի է անցնում Արմավիրի հեռուստաընկերությունում, հետո նաև աշխատում է լրատվական կայքում, այլ հեռուստաընկերություններում:

- Կարծես իմ աշխատանքով ես ամեն օր ապացուցում եմ, որ իմ ընտրած ճանապարհում չեն սխալվել: Գուցե պատճառն նաև իմ համառ բնավորությունն է. ես նախընտրում եմ գնալ առաջ, գուցե սխալվել էի, բայց չվախենալ՝ զնալ այդ ճանապարհով:

Իսկ ահա այս տարի Զավահիրին արդեն հարազատները խորհուրդ են տալիս ավագանու ընտրություններում իր թեկնածությունն առաջադրել:

- Անկուսակցական եմ, բայց վերջին տարիներին «Օրինաց երկիր» կուսակցության բերթի մարզային թղթակիցն էի, այդպես մտա քաղաքականության մեջ ու նաև իմ

թեկնածությունն առաջադրեցի: 105 ծայն էի ստացել՝ 18 տղամարդ թեկնածուների միջից: Ինձ համար իրոք անակնկալ էր, խոստովանում է Զավահիրը, ով հաղթանակի մեծ բաժինը վերագրում է իր հասարակական ակտիվությանը.

- Հիմա շատ դեպքեր են լինում, երբ մեր համայնքի կանայք գյուղատնտեսության փոխարեն մեր տուն են գալիս: Ասում են՝ գյուղատնտեսությունը տղամարդ է, մենք ամաչում ենք...

Զավահիրը համոզված է, որ իր ձեռքբերումների հիմքում այն սեմինարներն ու դասընթացներն են, որոնց ինքը մասնակցել է.

- Երբ ՀԵԿԼ-ն սկսեց սեմինարներ անցկացնել Արմավիրում, ես ՀԿ-երից մեկում մամուլի պատասխանատուն էի: Ամեն մեկն հանդիպումից հետո, կարծես, նոր համարձակություն ու ոգևորություն էի ձեռք բերում: Ահա այդպես ծնվեց նաև իմ կազմակերպությունը՝ ստեղծելու գաղափարը: Հիմա էլ մասնակցում եմ ՀԵԿԼ-ի «Կանանց առաջնորդության ակադեմիա-2013» ծրագրին ու արդեն ունեն նոր մտահղացումներ, որոնք անպայման կիրառվեն ծրագրի ավարտից հետո:

«Սկզբում ինձ լուրջ չընդունեցին»

Գայանե Խաչատրյանը մեկն է այն երիտասարդ կանանցից, ում կյանքն իրոք փոխվել է հասարակական կազմակերպությունների հետ շփումից հետո: Այժմ նա էլ է ակտիվ գործում հասարակական ոլորտում, ղեկավարում է «Թախիկ կանանց ռեսուրս կենտրոնի» զարգացման հիմնադրամը:

- Արդեն 2 տարի է, ինչ ՀԵԿԼ-ի ձեռներեց կանանց ցանցի անդամ եմ ու միշտ մասնակցում եմ բոլոր սեմինարներին, ծրագրերին: Այն ինձ համագործակցության նոր հնարավորություններ տվեց տարբեր մարզերի, երևանի հետ, նաև օգնեց մասնագիտական հմտությունների զարգացման գործում՝ մենեջմենթ, աշխատանքի ճիշտ կառավարում:

Գայանեն գոհունակությամբ է նշում, որ այդ սեմինարներից ստացած գիտելիքների շնորհիվ անցյալ տարի հաջողությամբ երկու

ծրագիր է կազմել և ստացել ֆինանսավորում, իսկ այժմ ԱՄՆ դեսպանատան փոխնախագահ ծրագրով մեկնում է արտերկիր վերապատրաստվելու:

Այս տարիների ընթացքում Գայանեն խոստովանում է, որ ամեն բան չէ, որ հեշտ է տրվել, խտրական մոտեցման է հանդիպել հենց սկզբից:

- Ծրագիրս իրականացնելու համար պետք է հանդիպեի համայնքապետի հետ, իսկ ինձ լուրջ չընդունեցին: Կարդում էին ամուսնազգանունս, երիտասարդ աղջիկ, թերահավատություն կար: Սակայն այժմ վերաբերմունքն այլ է. իրենք են ասում՝ նոր ծրագրեր բեր մեր համայնք: Այսինքն՝ կարծիքը փոխվում է, մենք էլ պետք է կարողանանք մեր մեջ ուժ գտնել, ճիշտ ներկայանալ: Կին կա, որ տղամարդ ղեկավարի մոտ, հատկապես, երբ վերջինը ծայր մի փոքր բարձրաց-



նում է, անմիջապես լռում է՝ մտածելով՝ տղամարդ է, ճիշտ է, կամ էլ անհարմար է: Մինչդեռ մեր պահվածքով, վարվելաձևով պետք է ցույց տանք, որ մեր կարծիքն էլ կշիռ ունի:

«Ես հավասարակշռության կողմնակից եմ թե՛ ընտանիքում, թե՛ քաղաքականության մեջ»...



«Ես հավասարակշռված հարաբերությունների կողմնակից եմ թե՛ ընտանիքում, թե՛ քաղաքականության մեջ. կինն ու տղամարդն պետք է իրենց դերում լինեն, և կինը պետք է հնարավորություն ունենա իր ներուժն օգտագործելու: Հատկապես հայ կինը շատ մեծ ներուժ ունի. ուղղակի ափսոս է այն վատնել»

միայն նրա համար, որ կնոջը թույլ չեն տալիս ինքնադրսևորվել...» - ասում է «Ես Yes!» անսահման գլխավոր խմբագիր Անի Քոչարը, ով այս տարի Երևանի ավագանու ընտրություններում առաջադրվել էր «Բարև, Երևան» դաշինքի ցուցակով:

- Վստահ եմ, որ կգա այն օրը, երբ կգտնվեն կուսակցություններ, որոնք առաջին հորիզոնականներում հենց կնոջ անունը կդնեն և կնոջը կտեսնեն ամենաբարձր ղեկավար պաշտոնում: Թեև մի ցավալի բան էլ կա. որքան շփվում եմ մարդկանց հետ, զրուցում ժողովրդի հետ, տեսնում եմ, որ մեր հասարակությունն էլ պատրաստ չէ նույն քաղաքապետի, վարչապետի կամ նախագահի պաշտոնում կին տեսնելու: Կնոջը տեսնում եմ մասնկապարտեզի վարիչի կամ դպրոցի տնօրենի պաշտոնում, բայց ոչ քաղաքական լուրջ և պատասխանատու դիրքերում: Դրա պատճառը, կարծում եմ, մեր հոգեկերտվածքն է, մեր մենթալիտետը, որովհետև դարեր շարունակ

կանանց կառավարման տիրույթը միայն իրենց ընտանիքն էր, օջախ կոչվածը, խոհանոցը, և կնոջն այլ դերում չէին տեսնում: Ցավոք, այսօր էլ մեր հասարակության մեջ կան մարդիկ, ովքեր կնոջը դժվարությամբ են պատկերացնում տնից դուրս՝ հասարակական գործընթացներում: Անգամ կան տղամարդիկ, որոնք կնոջ կողմից ավտոմեքենա վարելն էլ ոչ միանշանակ են ընդունում: Իրենք կնոջը պատկերացնում են «թագուհի» միայն տանը, և հենց սա է կանխորոշում մեր երկրի ներկայացուցչական պատկերը. մեր երկիրը կնոջ դեմք չունի, այն ամբողջովին տղամարդու դեմքով է ներկայանում աշխարհին: Ես ֆեմինիստական ծայրահեղ գաղափարների մասին չեմ, որ խոսում եմ, այլ ամենաբնական հավասարակշռության մասին, որովհետև մի սեռը չի կարող ամբողջական և վերջնական որոշումներ կայացնել: Կինը մի կերպ է մտածում, տղամարդը՝ այլ կերպ, և երկու սեռերի կարծիքներն էլ պետք է ներկայացված լինեն:

Նորարարություն

Հնարավորությունների նոր հարթակ նախաձեռնող կանանց համար

Այս տարի սկիզբ դրվեց կանանց առաջնորդությանը նպաստող և մեկ հարթակ՝ «Կանանց առաջնորդության ակադեմիա-2013» ծրագրի: Հայաստանի երիտասարդ կանանց ասոցիացիայի (ՀԵԿԱ) և Հայաստանում ԱՄՆ Խաղաղության կրթության Գեներալի հավասարության և կանանց հզորացման նախաձեռնության (GenEq) համատեղ այս նախագծի նպատակն է հզորացնել և ոգեշնչել մասնակիցներին՝ դառնալու ակտիվ ակտիվ իրենց համայնքում և աշխատավայրում, կառուցելու մարզային մասնագիտական ցանցեր, մշակելու նորարարական ծրագրեր:



Առաջնորդություն, թիմային աշխատանք, ցանցային համագործակցություն, ժամանակի և ռեսուրսների կառավարում, մոտիվացիա... սրանք են այն շեշտադրումները, որոնք կարևորել են կազմակերպիչները՝ փորձելով համախմբել տարբեր ոլորտներում գործող ակտիվ կանանց ու երիտասարդ աղջիկների ու հնարավորություն ընձեռել նրանց իրագործելու համատեղ մշակված նախաձեռնություններ: Ծրագրի մասնակից են դարձել 50 կանայք Հայաստանի բոլոր մարզերից և Երևանից: Այն բաղկացած է 3 փուլից:

- Հունիսին Շաղկապատում անցկացված հավաքը առաջին փուլն էր, որի ընթացքում մասնակիցները գիտելիքներ ու հմտություններ ստացան: Ունեինք նաև հրավիրյալ հյուրեր, ովքեր կիսվում էին իրենց հաջողված փորձով մասնակիցների հետ, հանդես գալիս դասախոսություններով: Երկրորդ փուլում կծավորվեց աշխատանքային խմբեր, որոնք 4-5 ամիսների ընթացքում առավել մեկ ծրագիր պետք է ներկայացնեն, դա կարող է լինել և՛ սոցիալական համայնքային ծրագիր, և՛ փոքրիկ բիզնես նախաձեռնություն, պատմեց մեզ գրույցում ՀԵԿԱ-ի նախագահ Լիլիթ Ասատրյանը:

Նարինե Թադևոսյանը «Հայաստանի մասնագիտական կողմնորոշման հիմնադրամի ղեկավարն է: Այս ծրագրում հանդես է գալիս որպես մենթոր, բանավորում.

- Շատ հետաքրքիր խումբ է ձևավորված. մի մասը հասարակական ոլորտում գործող կանայք են, մյուս մասը՝ բիզնես ոլորտի ներկայացուցիչներ, ունենք նաև ուսանողներ: Շատ կարևոր է, որ այս երեք կողմերը համագործակցության առումով հնարավորություն ունեն լինելու մեկ դաշտում: Կարծում եմ՝ նույն տրամաբանությամբ էլ կբաշխվեն նաև խմբերը, կունենանք երիտասարդության, բիզնես ոլորտի, հասարակական դաշտին վերաբերող ծրագրեր:

Մարիամ Պողոսյանն էլ ակադեմիայի այս ծրագրի երիտասարդ մասնակիցներից է, սովորում է ԵՊՀ տնտեսագիտության ֆակուլտետում:

- Նեղ մասնագիտությամբ կառավարիչ եմ, ապագա մենեջեր, ինչի համար կարևոր են լիդերի կարողությունները: Ինձ առաջնորդության ակադեմիան գրավեց հենց այս հմտությունները ստանալու առումով: Նոր ունակություններ, գիտելիքներ, որի շնորհիվ, կարծում եմ, կկարողանամ աշխատաշուկայում ավելի մրցունակ լինել,- նշում է Մարիամը և հավելում, որ իր համար ամենատպավորիչը ԱԺ պատգամավոր Զարուհի Փոստանջյանի հետ հանդիպումն էր:

- Ես միշտ մտածել եմ քաղաքական դաշտում գործելու մասին, բայց ոչ մի ոգևորող, մղող փաստ չի եղել, որ կկարողանամ այդ ոլորտ մուտք գործել ու առաջ գնալ, իսկ Զարուհի Փոստանջյանի ոգևորիչ ելույթը ինձ ստիպեց վերանայել իմ կարծիքը:

Կանանց առաջնորդության ակադեմիայի առաջին հյուրերից էր նաև Հայաստանում ԱՄՆ դեսպան Զոն Հեյերնը, ով կարևորեց հասարակական կազմակերպությունների դերը երկրում առկա խնդիրների լուծման գործում և քաղաքները մասնակիցներին՝ համառություն ու համարձակություն հանդես բերել իրենց նախաձեռնությունները կյանքի կոչելու հարցում:

Երիտասարդական խորհրդարան

«Ուղղակի նրանց համարձակությունն է պակասում»...

Հայաստանի երիտասարդական խորհրդարանում, ինչպես ԳԳ ԱԾ-ում, տղամարդիկ իրենց ներկայությամբ գերազանցում են կանանց: Սակայն երիտխորհրդարանականները շատ ավելի մոտ են հավասարությանը, քան ավագ սերնդի ներկայացուցիչները: Երիտխորհրդարանի կազմում աղջիկները 32 տոկոս են կազմում, թեպետ 12 համեմատողվներից միայն մեկն է աղջիկ ղեկավարում: Մենք գրուցում ենք երիտասարդ պատգամավորների հետ վերջերս ընդունված «Կանանց և տղամարդկանց հավասար իրավունքների և հավասար հնարավորությունների ապահովման մասին» օրենքի իրագործման շուրջ: Ի՞նչ լուծումներ են նրանք տեսնում սեռերի միջև լիարժեք հավասարության հաստատման ճանապարհին:



Նենք թեպետ ուրախ է, որ կառավարությունը հետաքրքրված է գենդերային հավասարության խնդրով, բայց և կարծում է, որ հավասար իրավունքները և հավասար հնարավորությունները արդեն իսկ ամրագրված են ԳԳ Սահմանադրությամբ, այսինքն՝ խնդիրը ոչ թե օրենքների ընդունման մեջ է, այլ դրանց լիարժեք իրագործման:

Նախընտրված է, որ կառավարությունը հետաքրքրված է գենդերային հավասարության խնդրով, բայց և կարծում է, որ հավասար իրավունքները և հավասար հնարավորությունները արդեն իսկ ամրագրված են ԳԳ Սահմանադրությամբ, այսինքն՝ խնդիրը ոչ թե օրենքների ընդունման մեջ է, այլ դրանց լիարժեք իրագործման:

Երիտխորհրդարանի ԳԳԿ խմբակցության ղեկավար Սևակ Խաչատրյանը կարծում է, որ ընդհանուր առմամբ կանայք Հայաստանում իրենց ներուժն օգտագործելու բոլոր հնարավորություններն ունեն, և այս առումով կարծես թե որևէ խոչընդոտ չկա: «Սակայն ես չեմ կարող երաշխիքներ տալ, որ որևէ քաղաքում կան գյուղում որևէ տղամարդ իր կնոջը չի արգելի քաղաքականությամբ զբաղվել», - ասում է Սևակը:

Լիարժեք գենդերային հավասարության հասնելու համար, նրա խոսքով, անհրաժեշտ է ենթադիտակցության վրա ազդել, պետք է մեր հասարակության մեթոդախոստում կատարվեն համապատասխան փոփոխություններ, որպեսզի յուրաքանչյուր անհատ պատկերացրի ու հասկանա հավասարության կարևորությունը: Մեկ օրենքով կամ մեկ հրամանով անհնար է հասարակական մտածողության մեջ այդպիսի առանցքային փոփոխություններ կատարել, պետք են միջոցառումների համալիր և, որ ամենակարևորն է՝ ժամանակ: Օ-

Երիտասարդական խորհրդարանի ԲԳԿ խմբակցության ղեկավար Նարեկ Վանեսյանի կարծիքով՝ վերջին տարիներին կանայք քաղաքականության մեջ ակտիվացել են: «Ես կարծում եմ, որ Հայաստանում կանայք ունեն իրենց ներուժն օգտագործելու հնարավորությունները, ուղղակի կամ համարձակության պակաս կա, կամ տանն ամուսնու հետ փոխհամաձայնության գալու դիվանագիտության պակաս: Համարձակություն է պետք քաղաքականությամբ զբաղվելու համար: Ուղղակի պետք է վերացնել արհեստական

Երիտխորհրդարանի ՕԵԿ-ական ներկայացուցիչ Վիկտորյա Ծատուրյանը համարում է, որ կանանց համար իրավական առումով սահմանափակումներ չկան, սակայն կան հասարակության մեջ ձևավորված կարծրատիպեր, որոնց հաղթահարման համար ժամանակ է պետք: «Որպես երիտասարդական խորհրդարանի անդամ կարող եմ նպաստել գենդերային հավասարության հաստատմանը՝ օգտվելով ինձ ընձեռված հնարավորություններից՝ բարձրաձայնելով այդ խնդիրը, պաշտպանելով հավասար իրավունքների և հավասար հնարավորությունների գաղափարը, տարածելով ու քարոզելով այն»:

Ֆեմինիզմը ինչպես որ կա

«Ծաղիկները հաճելի են, բայց մենք նախընտրում ենք հեղափոխությունը...»

Այն, որ հայ հասարակության պատկերացման մեջ «ֆեմինիզմ» բառը բացասական երանգ ունի և վախ է առաջացնում նույնիսկ կայացած ու հաջողության հասած կանանց շրջանում, մի իրողություն է, որի հետ շատերն են հաշտվում, նույնիսկ որոշ իրավապաշտպան կազմակերպությունների ներկայացուցիչներ: Երիտասարդ աղջիկների մի խումբ փորձել է հակառակվել այդ կարծրատիպին՝ այս տարվա մարտի 8-ին հանդես գալով ամբողջ երկրում նախաձեռնությամբ, որոնց ամվանման մեջ շեշտադրվում էր «ֆեմինիզմ» բառը: Դա հեծանվարշավն էր ֆեմինիստական կոչերով և Ազատության հրապարակում ընթերցված «Հեղափոխություն Յարս» ֆեմ-մանիֆեստը, որով Հայաստանում ծնված, հայաստանյան հասարակության մեջ ապրող երիտասարդ աղջիկները պատրաստակամությամբ են հայտնում ընդամենը պաշտպանել իրենց իրավունքները...




Են՝ «կնիկ ա՛» հիմար ա, հիստերիկ ա, բան չի հասկանում, կինը ո՛րը՝ քաղաքականությունն ուր» կարծրատիպերի հետ: Ընտրում եմ ինչպիսին լինել՝ տարբեր, թե՛ մեծամասնության մեծան, ընդունված մոդելից դո՛ւրս, թե՛ ներս, կո՛ւյս լինել, թե՛ չլինել, ամուսնանա՞լ, թե՛ չամուսնանալ, երեխա ունենա՞լ, թե՛ չունենալ, ամուսնանալո՞վ երեխա ունենալ, թե՛ առանց ամուսնանալու: Ընտրում եմ իմ կարգավիճակը, իմ արելաձևը, իմ շարժուձևը, հագուկա-

պը, մասնագիտությունը, աշխատանքը, իմ սոցիալական ցանցը: Ընտրում եմ համարձակ լինելը: Որոշում եմ քննադատել, փոխել, կոտրել, ապրել, պարել, ստեղծել, սիրել: Առաջարկում եմ առաջարկել բոլոր չառաջարկված առաջարկները: Ինձ սահմանափակելն անհնար է, ես դուրս եմ եկել սահմաններից, ես չափս անցել եմ, ու ինձ բռնել էլ չի լինի»:

Մամիֆեստի տեքստում, մասնավորապես, ասված է. «Աղջիկ ծնվելը մեր առաջին հաղթանակն է: Մենք չունենք այլ ընտրություն, քան պայքարելը, որպեսզի ծնվելուց հետո էլ աբորտ չանեն մեզ՝ մեր ծայրը, մեր մարմինը, մեր մտքերը, մեր կարողությունները, ցանկությունները, պատկերացումները, գործողությունները: Որպեսզի կարողանանք ինքնիրացվել, զարգանալ, կայանալ որպես լիարժեք անհատներ: Մեր ծումն եմ այն համակարգը, որի մեջ ինձ դաստիարակում են և վերաբերվում են որպես ենթարկվող-հնազանդ, տեսակետ չունեցող, անինքնբավստահ, հարմարվող, կցորդը: Գիտակցում եմ, որ ապրում եմ

պատրիարխալ, սահմանափակող համակարգում, որտեղ ստորադասը ես եմ, որտեղ ես օբյեկտ եմ, ոչ թե սուբյեկտ: Վստահ եմ, որ եթե ինքս չազատագրվեմ, ոչ ոք իմ փոխարեն դա չի անի: Ուզում եմ իմանալ իմ տեսակի պատմությունը: Ուզում եմ ինձ չափսն՝ զննել կոֆե դնեմ: Ուզում եմ մարմինս ինձ լինի, բռնության չենթարկվեմ, իմանալ ինքնապաշտպանվել: Ուզում եմ աշխատել և այն մասնագիտությամբ, որն ինքս կընտրեմ՝ նաև հոգևորական, զինվորական, վարորդ, վարչապետ: Բարձրաձայնում եմ, որ ազատ եմ՝ խոսել թե չխոսել և ինչպես արտահայտվել, մասնակցել թե չմասնակցել, ընդդիմանալ թե համաձայնվել: Անընդհատ բախվում



ԸՆՏՐՈՒԹՅՈՒՆՆԵՐ 2012

Վերջերս Համայնարանական կրթությամբ կանանց ասոցիացիան ներկայացրեց խորհրդարանական ընտրություններում կանանց մասնակցության վերաբերյալ իր հետազոտական աշխատանքի արդյունքները՝ անցկացված ԵԱԳԿ երևանյան գրասենյակի աջակցությամբ և Վրաստանում Նիդերլանդների Թագավորության դեսպանատան ֆինանսավորմամբ: Այս առիթով հրավիրված համաժողովի շրջանակներում տեղի ունեցավ երկու հրատարակությունների շնորհանդեսը: Առաջինը՝ «Կանանց քաղաքական մասնակցությունը 2012-ի խորհր-

դարանական ընտրություններին» վերլուծական տեսությունն էր, որում ամփոփված են թեմային առնչվող հետազոտության արդյունքները: Երկրորդը՝ «Կանայք քաղաքականության մեջ և քաղաքականության մասին» ժողովածուն էր, որում տեղ են գտել խորհրդարանական ընտրությունների ընթացքում կին թեկնածուների և ընտրված կանանց հետ անցկացված հարցազրույցները:

Լույս են տեսել զարանական ընտրություններին» վերլուծական տեսությունն էր, որում ամփոփված են թեմային առնչվող հետազոտության արդյունքները: Երկրորդը՝ «Կանայք քաղաքականության մեջ և քաղաքականության մասին» ժողովածուն էր, որում տեղ են գտել խորհրդարանական ընտրությունների ընթացքում կին թեկնածուների և ընտրված կանանց հետ անցկացված հարցազրույցները:

Կողմ եւ դեմ

Հայ կանայք բանակում

Հայաստանի պաշտպանության նախարարությունը 2013-2014 թթ. ուսումնական տարում հայտարարեց իգական սեռի ներկայացուցիչների ընդունելությունը ԳԳ ՊՆ ռազմաուսումնական հաստատություններում: Սա նաև կարող է նախադրյալներ ստեղծել, որ հետագայում աղջիկները և բանակ զորակոչվեն: Որքանով է մեր բանակը պատրաստ իր շարքերն ընդունելու կանանց և աղջիկներին, ի՞նչ խնդիրներ կարող է առաջացնել նրանց զանգվածային մուտքը զինված ուժեր, և ի՞նչ դրական արդյունքներ կտա: Այս հարցերի շուրջ գրուցեցինք ծառայած և վերջերս զորացրված զինծառայողների հետ:

Ներսես Կարապետյան. «Ես կողմ եմ կանանց ներգրավվածությանը, կարծում եմ՝ նրանց համար էլ շատ օգտակար կլինի բանակում ծառայել: Եթե մենք հավասարություն ենք ուզում, թող հավասար լինենք նաև հայրենիքի նկատմամբ մեր պարտքով»: Միեր Դավթյան. «Մեր բանակը դեռ չի հասել այն մակարդակի, որ ապահովի նորմալ հայ կնոջ համար քաղաքակիրթ միջավայր: Բանակում հայիդյանքը շատ է, գողական վարքը շատ է: Ես ծայրամասային զորամասում եմ ծառայել, որտեղ աշխատող կանանց լավ աչքով չէին նայում: Մինչև էս կարծրատիպը չկոտրվի, նորմալ կանայք չեն ցանկանա գալ բանակ»:



Սարգիս Ղարիբյան. «Լավ կլիներ, եթե կին սպաներ շատ ունենայինք, բայց, իմ կարծիքով, դա դեռևս հնարավոր չէ: Եթե այսօրվա հայ տղամարդը կնոջը չի հարգում, նրա իրավունքները ոտնահարում է, ամեն օր բռնության է ենթարկում, ո՞նց է այդ նույն հայ տղամարդը կատարելու կնոջ հրամանը»: Դավիթ Անտոնյան. «Ինչի մեջ ի՞նչ է եղել, որ աղջիկները ծառայեն: Բա անոթ չի՞՝ Տղերքի հոգեբանությունը կխախտի դրանից: Թող մեր աղջիկներն ու կանայք հանգիստ լինեն, մենք կապահովենք իրենց անվտանգությունը»:

Արամ Եփրեմյան. «Ես միայն ուրախ կլինեմ, որ աղջիկները գան բանակ, որ կին սպաներ էլ ունենանք: Սահմանային զորամասերում ծառայող երիտասարդ սպաները հիմնականում միայնակ են, նրանք էլ կզուրկան իրենց երկրորդ կեսին, հենց սահմանային գյուղերում էլ ընտանիք կկազմեն ու կանրապնդեն մեր դիրքերը»: Արսեն Ենոքյան. «Եթե կանանց համար առանձին զորամասեր ստեղծեն ու հատուկ պայմաններ ապահովեն, միայն այդ դեպքում եմ պատկերացնում աղջիկներին բանակում»: Սոս Դանիելյան. «Կանայք շատ բան կարող են փոխել բանակում, նրանց ներկայությունը միայն բավական կլինի, որ տղամարդիկ իրենց ավելի գուսպ, ավելի քաղաքակիրթ պահեն: Այն միջավայրում, որտեղ միայն տղամարդիկ են, բոլորովին այլ մթնոլորտ է տիրում»:

Համարի վրա աշխատել եմ՝ Լիլիթ Քոչինյանը, Արման Ղարիբյանը, Կարինե Պետրոսյանը, Մարիաննա Ղահրամանյանը, Լիա Խոջոյանը

Թողարկումը հրատարակվել է ԵԱԳԿ երևանյան գրասենյակի և Վրաստանում Նիդերլանդների Թագավորության դեսպանատան համատեղ աջակցությամբ Խմբագիր՝ Թամարա Գովաթյանյան էլ. huugb@promediagender\_arm@yahoo.com